

Шарма гор

Кузь нэм да бур шуд!

Эжва йывса войтырлөн газет



Петö 1929 восянь

Воторник, 2013 вося октябр 8 лун 120 (10707)-öд №

Кытчö öти ыж - сэтчö ставныс (коми шусьöг)

Эжва йывлөн слава

Александра Григорьевна Борисова



Чужис 1939 вося сентябр 25 лунö Носимын. Уджалис Кулöмдинса рай-потребсоюзын, Кулöмдинса нянь пöжаланинын, примитис вöр «Усть-Куломскöй» леспромхозлөн Носимса лесопунктлөн улыс складын.

Верöсыскöд быдтис да велöдис кум челядьöс.

Уна вося бур уджысь сетисны «Уджывса ветеран» медаль, уна почёт грамота.

Олö Носимын.



Кулöмдинысь Анна Васильевна Липина ыджыд арлыд вылö видзöдтöг зев на збодер, тэрыб вöраса. Тöдлiс помтöм сьöкыд удж, мый отсöгөн, гашкö, и кутчысьö. 16 арöссянь уджалiс «Борец» колхозын, видзис куканьясöс. Индылiсны вьськöдлыны фермаөн. Сийö кадас став уджсö вöчлiсны кипомысь: пыртлiсны кöрым, вердчисны, петкöдiсны куйöд. Гожöмын пунктiсны турун. Гортас пыр олiс скöтөн. Во нель сайын на и лэдзчысьлiс мөссыс. Öтнас быдтiс да олöмö петкöдiс пиöс.

Талун кыз уджсö на бергöдö гортас,

ачыс пунктö да идралö картофель.

Октябр 3 лунö Анна Васильевналыс тырис 90 арöс. Юбилейсö ыдждöдлiсны ветеранъяслөн Кулöмдинса котыр отсöгөн. Районса юралысь Д.А.Шатохин висьталiс пöсь кывъяс да сетiс Россияса президент В.В.Путинсянь чолöмалан гижöд да козин.

Чолöмалöм да козин вичмис и Кулöмдинса администрацияөн вьськöдлысь С.В.Рубансянь. Мича сыланкывъясөн гажöдiсны «Гöрд гвоздика» котырысь сылысьяс.

Гижöд да снимок Галина НЕСТЕРОВАЛÖН.

Тöдöй, мый выльыс

ВОЛIСНЫ ДЕРЕВАННÖЙÖ

Кольöм вежонын районса юралысь Д.А.Шатохин, районса администрацияөн вьськöдлысьёс вежысь Н.А.Левченко, райсöветса депутат И.В.Ракин да республикаса юралысьлөн общественнöй примитанилөн Кулöмдинса юкöнысь специалист О.Е.Пеннер волiсны Дереваннöй посёлкö да сиктö.

Видзöдлiсны школалөн гаражлысь öти юкөн, кытчö кöсйöны лöсьöдны тир. Кежавлiсны и садъясö. Культура керкаын аддзысьлiсны сиктса водзмöстчысьяскöд, кодъяс öтув кöсйöны бурмöдны Дереваннöйын олöм. Медшöр мытшöд - абу техника. Район кöсйис отсавны, колö сöмын водзмöстчысь морт, кодi эськö босьтiс ас вылас кывкутöм. Районса юралысь висьталiс аспöр удж вöсьтöмлысь тöдчанлун, вöзйис велöдчыны, гижны бала да грант босьтöм могысь пырöдчыны районөн котыртöм конкурсö. Сёрнитiсны и ва нюжöдöм да автобусъяслы сувтланiн вöчöм, туйяс дзоньталöм йылысь. Кежавлiсны амбарö, кодöс арталöны лöсьöдны туристыяслы волöм вылö. Сылысь колö дзоньтавны вевтсö.

Кывкутысь йöс вочавидзисны юалöмъяс вылö, вöзйöмъяс да мытшöдъяс босьтiсны тöдвылö.

МУНИС СЕМИНАР

Октябр 3-5 лунъясö райадминистрацияын муниципалитет республикаса вöр-валөн торъя видзанинъяскöд йитчöм семинар-велöдöм.

Семинарö пырöдчисны и районса предпринимательяс да уджтöмалысьяс. Лекцияса лыддiсны Сыктывкарса госуниверситетлөн содтöд профессиональнöй тöдöмлунъяс сетаг юкöнысь велöдысьяс. Семинарö пырöдчысьяслы вичмисны сертификатяс.

МОГМÖДИСНЫ ОЛАНIНÖН

15 номера Сыктывкарса училищелөн Кебантельса филиалын медводдза курсыгн автомеханикö велöдчö 25 морт, стрöйтчысь уджъяс нуöдысь мастерö - 12.

На пыись квайтыс батьтöм-мамтöмöсь, кыкөн опека улын. Велöдчысьясöс могмöдiсны оланiнөн, кытчö воö ва и шоньд, эм канализация. Эм пеласян машина. Вежоннас кыкысь ломтöны пывсян, а уджъяс бöрын и тшöкыдджыка. Эм став коланаыс велöдчöм да олöм вылö.

ЛОИС ЕВРОПАСА ЧЕМПИОНКАÖН

Октябр 3-6 лунъясö Словенияын муниципалитет пневматическöй öружиеысь лыйсьöм кузя Евролигалөн Европаса чемпионат, кöни ордыысны 1995 воын чужлöм да томджык спортсменъяс.

Россияса öтувъя котырын, кодi лоис вермысьöн 9 страна пöвстын, вöли и Тимперысь Екатерина Паршукова. Спортсменка петкöдчис бура да лоис Европаса чемпионкаөн. Сылы вичмис кубок, медаль да пневматическöй öружиеысь лыйсьöм кузя оборудование ньöбöм вылö сертификат.

МЕДБУРЪЯСЛЫ - ДОРЙЫНЫ РАЙОН

Кулöмдинса спорт школаö ветлысьяс костын муниципалитет пызанывса теннисысь ворсöм.

Медбура петкöдчисны немдинсаяс (тренер А.Б.Хайрединов), скöрöдумсаяс (тренер С.М.Курочкина) да керчомсаяс (тренер И.Е.Тарабукин). Öтка ворсысьясысь пасйисны Немдинысь Дмитрий Лодыгинöс, Помöсдинысь Юрий Уляшевöс, Кулöмдинысь Иван Зезеговöс, Скöрöдумысь Ирина Курочкинаöс, Наталья Деминаöс да Керчомъяысь Дария Першинаöс.

Районса ордыысьöмъяс вылын вермысьяс мунасны юркарö республикаса ордыысьöмъяс вылö.

Асланым да общ. корреспондентъяс, районлөн сайт вылысь.

КОМИ РЕСПУБЛИКАЫН

ДЗОНЬТАЛIСНЫ ВА ВИДЗАНИН

Койгорт районын вужвыйөн дзоньталöм бöрын босьтчис уджавны Кажымса ва видзанин. Сийöс кыпыда вöсьтiсны инвестицияслөн Войвывса витöд форум дырйи. Кыдзи висьталiс республикаса юралысьёс вежысь Константин Ромаданов, вильмöдöм гидроузел сетас позялун сöвмыны Кажым посёлкын энергетикалы, вöсьтас виль туйвизьяс чери рöдмöдан, туристалан юкöнын уджалысь предпринимательяслы. Республикаса вöр-ва видзан министр Юрий Лисин пасйис, мый Кажымын öни ён ва видзанин, и оз нин ков повны посёлкöс ойдöдöмысь. Сидзжö позяс бура могмöдны юан ваөн посёлкөса олысьясöс.

Кыдзи висьталiс Ю.Лисин, вужвыйөн дзоньтасьöм кузя уджъяс кызыннас эштлысьны нин 2012 воын. Стрöйтчысьяс резьöдiсны пуйсь вöчлöм ва лэдзанин, вежисны кöртысь вöчöм вылö. Содтiсны ва кутöд да васö лэдзисны виль воргаöд. Дзоньтасьöм вылö федерация бюджетысь вичмис 110 миллион шайт, республикасаысь - 60 гöгöр миллион.

Таво лöсьöдiсны гöгöрсö: вынсьöдiсны торфөн, кодзисны турун, вöчисны посьяс, ва кутöд вывтi мунанинсö вевтисны асфальтөн. Та вылö видзисны 8 миллион, 4,8 - федерацияса, 3,2 миллион республикаса бюджетысь. Тавысь кыдзи, ПРООН/ГЭФ войтыръяскостса бала серти вичмöдöм сьöм вылö вöчасны лэбувъяс, шойчанiнъяс, вотчысьяслы да кыйсысьяслы сувтланiнъяс.

Коминформ.

